



EDITORIAL

Rinibu a panagrambak para iti maika-50 nga anibersaryo ti Partido tayo

Itatta a Disyembre, lagipen ken rambakan ti intero a Partido ken ti umili a Pilipino ti maika-50 tawen nga anibersaryo ti Partido Komunista ti Pilipinas. Rinibu a rali, panagtaripnong ken dagiti pulong ti irussuat ti amin a kadre ti Partido, dagiti Nalabaga a mannakigubat, dagiti rebolusyonaryo ken aktibista kadagiti pabrika, eskuelaan ken kadagiti base ken larangan gerilya ti Bagong Hukbong Bayan.

Kasano man ti kadakkel wenno kairteng dagiti opensiba ti militar, saan a malappedan ti rehimen a Duterte ti panagrambak ti umili a Pilipino. Iti kinapudno, iti dadduma a lugar, nairussuaten dagiti nasapa a panagrambak a saan man laeng a nadlawan ti pasista a kabusor. Iti nadumaduma a lugar, nakumikom dagiti kakadua iti panangisagana ti makan ken panagsanay dagiti kalalaingan nga agkanta, agsala ken dadduma pay nga artista a sumango kadagiti

maangay a panagpabuya.

Desperado ti AFP a lappedan ti aniaman a panagrambak ti rebolusyonaryo nga umili. Gapu ditoy ket ad-adda a pakpakaroen dagiti operasyon militar. Lalo nga awanan sarday ti panagsawar dagiti soldado kadagiti komunidad ken kabakiran nga atapen da a pakaangayan dagiti taripnong. Mangipapaay ti nakaro a riro kadagiti residente ti panangpabanto kadagiti bala ken bomba manipud

"Libong..." suroten iti panid 2

Kampo ti CAFGU, nirebbek ti BHB

DUA A SOLDADO TI 3rd Special Forces Battalion ken 12 nga elemento ti CAFGU ti inbalud ti Bagong Hukbong Bayan-Agusan del Sur itatta kalpasan ti panangkubkob dagiti Nalabaga a mannakigubat iti kampo da idiy Barangay New Tubigon, Sibagat, Agusan del Sur. Nairussuat ti natured nga opensiba nga awanan putok idi Disyembre 19, banda alas-3 ti parbangon.

Nasamsam met laeng ti BHB-NEMR ti maysa nga M60 masinggan, 17 M16, uppat nga M14, dua nga M4 carbine, maysa nga Harris radio ken ginagasut a bala.

Nirambakan met ti umili ti naballigi nga opensiba ti hukbong bayan. Maibilang ti nasao a detatsment iti nasurok 100 a kampo idiy Northeas-

"Kampo..." suroten iti panid 3

kadagiti kanyon ken helicopter kadagiti a lugar.

Iti nagan ti "pananglapped kadagiti atake ti BHB," nangigab-suon ti estado kadagiti pulis ken soldado kadagiti nasulinek a baryo tapno bantayan dagitoy. Amin dagitoy ket iti laksid ti unilateral a panangideklara ti PKP ken BHB ti temporaryo a sispayr tapno ikkan-dalan dagiti selebrasyon, parehas iti tradisyunal ken rebolusyonaryo. Nakasagana ti PKP ken BHB nga ibabawi ti deklarasyon no aglabes ti disbentahe daytoy iti sango ti awanan-sarday nga opensiba ti kabusor.

Agideklara man ti rehimen a US-Duterte iti pansamantala a sispayr wenna saan inton paskua, sigurado ti panag-irteng dagiti operasyon militar ken kampanya ti pananglipit apaman a sumrek ti baro a tawen. Napaatiddogen ni Rodrigo Duterte babaen iti paspasurot a Kongreso ken Senado ti linteg militar idiy Mindanao. Napalawa daytoyen iti dadduma pay

a paset ti pagilian babaen iti Memo Order 32. Pormal na met laeng nga intakder ti National Task Force tapno gibusan kanon ti armado a labanan babaen iti "intero-a-pagilian a wagas." Kagiddan ti agtul-tuloy a militarisasyon iti burukrasya a sibil ken panangideklara iti PKP ken BHB kas "terorista" nga organisasyon, pinarimbawen ni Duterte ti linteg military iti intero a pagilian.

Iti panangirussuat kadagiti dadakkel nga operasyon militar, gasgastaren ni Duterte ti kuarta ti umili tapno gumatang kadagiti nasyon a bala, paltog, kanyon, mortar, rocket, helikopter ken drone. Dagitoy ket peste iti umili a rarauten dagiti tropa na.

Paspasuksokan dagiti ordinaryo a soldado babaen iti pinadakkel a sueldo, ken daytoy nabiit, ayuda a pinansyal kadagiti elemento ti CAFGU, bayat a busbussogen dagiti dadakkel a mapabpaburan nga opisyal iti nagdakkelan a pondo tapno kurakuten ken agumen. Ti pudno a panggep ni Duterte ket ti

panagatang iti suporta para iti pasista a rehimen. Kayat na nga usaren ti AFP tapno pakibiangan ken manipulaen ti resulta ti eleksyon 2019, no agpayso a maituloy, tapno patugawen dagiti kandidato a pabor iti tiraniya ken panagturay militar ti AFP.

Iti laksid daytoy, umun-uneg ti disgusto dagiti ordinaryo a soldado ti AFP iti bulok ken criminal a rehimen a Duterte. Nakaro a ma-banbannog da kadagiti awanan sarday nga operasyon militar ken panangibala kadakuada iti kanyon ni Duterte. Bayat a kumarkaro ti gura ti umili iti maiyar-aramid a nasaknap ken pilit a panagrekut ti AFP ken CAFGU.

Kagiddan ti panagrampak, rumbeng nga agsagana ti umili kadagiti umir-irteng pay nga atake iti biag ken karbengan da. Masapul a pairtengen ti umili ti panaglaban iti agraraira a linteg militar iti intero a pagilian.

Kasapulan nga aramiden ti amin a pamuspusan tapno pagkaykaysaen ti amin a puersa ken naruay a masa tapno paayen ti tiraniko a panagturay ken linteg militar ni Duterte. Allukoyen ti amin nga organisasyon ken personalidad tapno ibutaktak ken kundenaren dagiti krimen ken nakaro a korapsyon ni Duterte ken ti bunggoy na. Kagiddan daytoy ti panangpapigsa iti limed a tignayan tapno paayen dagiti naulpit nga atake ti rehimen.

Masapul nga agirussuat ti BHB ti umad-adu a taktikal nga opensiba laban kadagiti napeklan a yunit ti AFP ken PNP nga adda iti likod dagiti kakaroan a panaglabsing iti karbengan tao ken abuso military. Karaman met laeng dagitoy kadagiti kriminal nga aktibidad a mangdangran iti ordinaryo nga umili, ken protector dagiti manangdadael nga operasyon ti minas, komersyal a plantasyon ken dadduma pay a mananggamrud a korporasyon. Dagitoy ti nakaro a mangdadael iti pagbiangan ti umili. AB



Tawen XLIX No. 24 | Disyembre 21, 2018

Linaon

<p>Ti Ang Bayan ket mairuar iti lengguahe a Pilipino, Bisaya, Iloco, Hiligaynon, Waray ken Ingles.</p> <p>Mangaw-awat ti Ang Bayan kadagiti kontribusyon iti porma dagiti artikulo ken damdamag.</p> <p>Maaw-awis dagiti agbasbasa nga agipadanon kadagiti dillaw ken rekomendasyon tapno mapadur-as ti pagiwarnak tayo.</p> <p> instagram.com/sine.proletaryo</p> <p> @prwc_info</p> <p> fb.com/groups/prwcnewsroom</p> <p> cppinformationbureau@gmail.com</p>	<p>Editorial: Rinibu a panagrampak para iti maika-50 nga anibersaryo ti Partido tayo 1</p> <p>Kampo ti CAFGU, nirebbek ti BHB 1</p> <p>19 baro a medik idiy CamNorte 3</p> <p>Dagiti protesta 4</p> <p>Terorista a panagturay ni Duterte 6</p> <p>Todo-operasyon idiy NCMR 8</p> <p>Balud pulitikal, natay 8</p> <p>Balay ti lider-obrero, pinuoran 8</p> <p>Linteg militar, napaatiddog manen 9</p> <p>Dagiti krimen ti Bush Sr. 10</p> <p>CPI-Maoist, nanganay ti plenum 11</p> <p>Protesta kadagiti "yellow vest" 11</p>
--	--

Ti Ang Bayan ket mairuar iti mamindua a daras kada bulan ti Komite Sentral ti Partido Komunista ng Pilipinas

tern Mindanao nga agserserbi kas umok dagiti kriminal ken daulaulo dagiti antisosyal nga aktibidad. Notoryus met laeng iti panangkotong kadagiti babassit a ragadero, minero ken negosyante iti lugar.

Segun kenni Ka Sandra Amihan, tagapagsarita ti BHB iti probinsya, dagiti nabalud a soldado ken CAFGU ken matrato iti makatao. Nangipablaak met ti Partido Komunista ti Pilipinas a mawayan dagiti balud ti gubat iti panawen nga isardeng ti Armed Forces of the Philippines ti opensiba da. Daytoy ket tapno maisigurado ti natalged a panangwayawaya kadagiti balud. Nagpanawagan met ti Partido kadagiti *third-party facilitator* a makisilpo iti maseknan a kumand ti BHB para iti panangwayawaya kadagiti balud.

Kinablaawan met ti PKP ti naballigi nga opensiba ti BHB-Sorsogon idi Disyembre 17 ti rabii. Pinaputokan dagiti Nalabaga a mannagigubat ti istasyon ti pulis iti sentro ti ili ti Magallanes, kasaruno ti panagatake iti kampo ti PNP Mobile Force idiy Barangay San Ignacio, Gubat. Tallo a pulis ti nasugatan kadagitoy nga opensiba.

Iti North Central Mindanao, nagsagrap ti 14 a kaswalti ti AFP iti aktibo a panagdependa nga inrussuat dagiti yunit ti BHB iti nagbeddeng dagiti probinsya ti Misamis Oriental, Bukidnon ken Agusan del Sur. Saan a bumaba iti 13 a labanan ti napasamak iti lugar. Inpadamag dagiti residente a dua a natay a soldado ti nairuar idi Disyembre 7 ti rabii idiy Barangay Hagpa, Impasug-ong, Bukidnon ken 12 a sugatan met ti limed nga inala dagiti trak ken ambulansya iti tengnga ti rabii iti kabangibang a barangay ti Calabugao ti nasao nga ili. AB

19 baro a medik idiy Camarines Norte

NABALLIGI NGA INRUSSUAT ti probinsyal a panagsanay ti Batayang Kur-song Pangkalusugan iti maysa a larangan gerilya iti uneg ti Armando Catapia Command (ACC wenna BHB-Camarines Norte) idi Nobyembre. Sangapulo ket siyam ti nakaturpos manipud iti yunit ti hukbo, milisyang bayan ken kadagiti organisasyon masa idiy baryo.

Kangrunaan a dimmar-ay iti panagsanay dagiti umakem nga opisyal medical dagiti yunit ti hukbo, milisyang bayan ken dagiti adda iti sub-komite ti salun-at dagiti organisasyon masa. Kaaduan kadagiti immatendar ket limitado pay ti kapadasan iti trabaho a medikal. Ngem gapu iti pannakaawat da iti kinapateg ti trabaho iti panangiyabante ti rebolusyon, nagbalin da a silulukat iti panagadal.

Iti proseso ti panagsanay ket nagbalin a naregta ti partisipasyon ti amin a delegado. Nagbalin da nga aktibo lalo iti topiko nga Unang Lunas gapu ta segun kada-kuada, napateg daytoy no tiempo ti labanan. Ad-adda a nangted ti kumpyansa kadagiti umakem a medik ti panagsanay. Ti makaisalbar iti pasyente ti nagbalin a pokus ti panangikagumaan da nga agadal iti nadumaduma a wagas iti panangagas. Para kadagiti pultaym iti hukbo, nagbalin a karit kadakuada ti panagbalin a medik iti panawen dagiti taktikal nga opensiba ti BHB ken uray kadagiti saan a namna maen a dependsiba.

Nagtalmeg met dagiti delegado

manipud kadagiti organisasyon masa a makaited ti serbisyo medikal iti baryo da. Dinagsenan iti panagsanay ti kinapateg ti "Revolutionary Medical Code of Ethics," no sadino a nailanad ti husto a panakilangen ti medik iti pada a medik, iti pasyente a hukbo ken masa, kasta met iti pasyente a kabusor no tiempo dagiti labanan.

Dakkel a balligi ti pannakairussuat ti nasao a panagsanay iti tengnga dagiti agtultuloy nga operasyon a kombat ken "peace and development" ti militar idiy probinsya manipud pay idi Pebrero. Sinakop dagitoy ti walo a baryo iti ili ti Labo ken nangiyaramid ti tuloy-tuloy a panagdakiwas ken panagbase kadagiti sentro ti baryo.

Kalpasan ti panagsanay ket kumpyansa ti Partido ken BHB idiy Camarines Norte a kabaelan dan a sangoen ti atake ti kabusor ken mangirussuat kadagiti umad-adu a taktikal nga opensiba gapu iti kaadda dagiti medik nga agpaduras iti kabaelan iti tengnga ti umirirteng nga armado a pannakidangadang iti uneg ti diktador ken pasista a rehimen a US-Duterte. AB



Rinibribu nagprotesta iti Sangalubongan nga Aldaw ti Karbengan Tao

Saan a bumaba iti 20,000 ti nagprotesta iti nasurok 20 a probinsya ken syudad ti Pilipinas kas pananglagip iti maika-70 a tawen ti Sangalubongan nga Aldaw ti Karbengan Tao idi Disyembre 10. Nagprotesta met dagiti Pilipino ken tagasuporta da iti ballasiw taaw.

Iti laksid ti linteg military, dimmanon iti 10,000 ti nagprotesta idia'y Mindanao. Tinubngar da ti kinaulbod ni Duterte ken nagkaykaysa a nangkundenar iti panagraira ti linteg militar ken ti panangpaatiddog manen ditoy.

Idiay Metro Manila, nasurok-kumurang 5,000 ti nakilaok iti United People's March for Human Rights nga indauloan ti Bayan ken Karapatan. Nagmartsa ti grupo manipud iti Liwasang Bonifacio, Lawton agturong iti Mendiola idiay Maynila.

Karaman iti protesta dagiti Lumad, dagiti mangmanged ti Sumifru ken dadduma pay a sektor a naglakbayan manipud pay idiay Mindanao. Nakikaykaysa met ti intar dagiti Dumagat, mangmanged ken mannalon manipud idiay Southern Tagalog.

Luzon. Indauloan ti Cordillera Movement Against Tyranny ken Cordillera Human Rights Alliance ti ginagasut a nagprotesta idia'y Session Road, Baguio City tapno labanan ti pananglipit ken panangikuspil kadagiti tagasalaknib ti karbengan dagiti nailian a minorya.

Dimmarup ken nagpiket met ti Ilocos Human Rights Alliance ken Solidarity of Peasants Against Exploitation kadagiti rehiyunal nga opisina ti guberno idiay San Fernando, La Union. Nairussuat met dagiti taripnong ken protesta idia'y Tuguegarao City, Didipio idiay Nueva Vizcaya ken Bangued, Abra.

Iti Central Luzon, nagmartsa dagiti mannalon ken dadduma pay a demokratiko a sektor iti panangidaulo ti Alyansa ng mga Magbubukid sa Gitnang Luzon idiay Cabanatuan, Nueva Ecija.

Iti Bicol, mano a ribu a kameng ti Bayna-Camarines Sur ken Cama-

rines Sur Ecumenical Movement for Justice and Peace ti nagprotesta iti Plaza Oragon idiay Naga City. Nairussuat dagiti kapada a protesta kadagiti syudad ti Legazpi ken Sorsogon, ken kadagiti probinsya ti Camarines Norte, Catanduanes ken Masbate.

Visayas. Idiay Panay, rinibribu ti nagprotesta iti panangidaulo ti Bayan ken Karapatan iti maysa a United People's Action against Dictatorship iti sango ti Iloilo Provincial Capitol.

Iti Eastern Visayas, inyun-una ti Bayan dagiti panagtignay ti nasurok 800 nga aktibista idiay Tacloban, Leyte ken iti Catbalogan ken Las Navas idiay isla ti Samar.

Nasurok 1,000 a kameng ti Bayan-Negros ti nagtignay iti Bacolod City Public Plaza tapno ipanawagan ti hustisya iti panangmasaker iti siyam a mannalon idiay Sagay ken panangpatay ti abugado a ni Atty. Benjamin Ramos.

Idiay Cebu City, nagmartsa ti Bayan ken Karapatan iti Fuente Osmeña a nagturong iti Metro Colon. Idiay Bohol, nangirussuat met ti programa dagiti mannalon iti uneg ti Humabol-KMP ken Gabriela idiay City Square, Agora, Tagbilaran City.

Mindanao. Dimmanon iti 7,000 a Lumad manipud iti MAPASU,

KASALO ken dagiti tagasalaknib ti karbengan tao ti nagprotesta idia'y Butuan City, Agusan del Norte. Kinundenar da ti naraggas a panangokupar dagiti militar kadagiti komunidad ken eskuelaan a Lumad.

Indauloan met ti Bayan ti martsa ti 3,000 katao idia'y Cagayan de Oro City.

Idiay Davao City, dinillaw dagiti rallyista ni Mayor Sara Duterte ken ti ama na iti listaan dagiti panaglalsing iti karbengan tao. Naisayangkat ti protesta iti Freedom Park ti nasao a syudad iti panangidaulo ti Karapatan. Nairussuat ti kapada a protesta idia'y General Santos City ken Tandag City.

Ballasiw-taaw. Idiay Indonesia, nagprotesta dagiti kameng ti International League of People's Struggles ken People's Struggle Front iti US Embassy idiay Jakarta.

Nagtignay met idiay Brussels, Belgium ti International Coalition for Human Rights in the Philippines (ICHRP) tapno suportaran dagiti tagasalaknib ti karbengan tao iti Pilipinas.

Kabayatanna, nagprotesta dagiti Pilipino iti panangiyun-una ti ICHRP iti Consulate General of the Philippines, New York City ken nagmartsa agturong iti Trump Towers. Inpanawagan da ti panangisardeng ti ayuda militar ti US iti rehimen a Duterte.

Nairussuat ti kapada a panagtignay idiay Vancouver, Canada. **AB**



Martsa ti panagkaykaysa kontra demolisyon, nairussuat

Mano a ribu manipud iti Distrito 3, 4 ken 5 ti Maynila ti nakilaok iti martsa ti panagkaykaysa idi Disyembre 9 laban iti demolisyon. Nakipartipar ditoy dagiti kameng ti Sampaloc People's Alliance ken Ugnayan ng Mama-mayang Tatamaan ng Connector Road-PNR Project. Nakikaykaysa ni Anakpawis Rep. Ariel Casilao iti panagtignay.



Panggep ti proyekto ti Philippine National Railways nga agitakder ti kalsada iti lugar a mangpapanaw iti nasurok 180,00 residente. Sinuppiat met laeng ti grupo dagiti ambisyoso a proyekto iti impraistraktura ti rehimen a Duterte iti uneg ti 'Build Build Build'.

Idiay Davao City, nagprotesta idi Disyembre 15 dagiti residente ti Catalunan Pequeño Subdivision a madungpar ti Mindanao Railway Project. Nasurok 10 a subdibisyon ti matantya a maapektaran iti nasao a proyekto nga adda iti uneg ti programa a 'Build Build Build'.

Panagtignay dagiti drayber ken opereytor ti dyip, naikasa

Nangirussuat ti maysa a nailian a koordinado a panagtignay idi Disyembre 5 ti No to Jeepney Phaseout Coalition ken Pinagkaisang Samahan ng mga Tsuper at Operator Nationwide (PISTON).

Nagmartsa dagiti drayber ken opereytor ti dyip agturong iti Land Transportation Franchising and Regulatory Board (LTFRB) idiay East Avenue, Quezon City. Nagprotesta met ti Baguio-Benguet Movement Against Jeepney Phase-Out idiay Baguio City ken ti PISTON-Central Luzon iti sango ti rehiyunal nga opisina ti LTFRB idiay San Fernando City, Pampanga.

Idi Disyembre 10, kagiddan ti panagdengngeg iti badyet ti Department of Transportation (DOTr) iti Senado, naguummong ti nadumaduma a grupo dagiti drayber ken opereytor ti dyip, trak, bus, ken UV express tapno labanan ti bogus a modernisasyon ken dagiti kontra-marigrigat a programa ti DOTr. Nakilaok met laeng dagiti grupo ti truckers manipud idiay Cavite, Laguna ken Bulacan ken dagiti opereytor ti bus manipud idiay Cavite ken Batangas.

Nagprotesta met ti nasurok 1,000 a drayber ti Angkas iti uneg ti Riders of the Philippines idiay People Power Monument kalpasan nga inparit ti Korte Suprema ti operasyon ti Angkas. Kiddaw da a maisubli ti operasyon ti pribado a transportasyon a pagbiagan da.



Umuna a tawen ti linteg a TRAIN, naprotestaan

Idi Disyembre 14, nangirussuat ti maysa a piket-protesta dagiti progresibo iti panangidaulo ti GABRIELA iti Mendiola idiay Maynila. Daytoy ket kasilpo iti makatawen nga implementasyon ti padagsen a linteg a Tax Reform for Acceleration and Inclusion. Ti nasao a linteg ket nangipaay ti pananggato ti presyo dagiti basaran a magatgatang iti lasud ti maysa a tawen na daytoy.

'Red-tagging' idiay Panay, kinundenar

Nagtaripnong idi Disyembre 12 dagiti kameng ti Bayan idiay Plazoletgay idiay Iloilo City para iti maysa a press conference ken piket. Kinundenar da ti panangiruar dagiti elemento ti estado iti daytoy nabiit kadagiti poster a manginagnagan kadagiti 45 a kameng dagiti progresibo nga organisasyon kas "terrorista a komunista". Karaman kadagiti nainaganan ket dagiti kameng ti National Union of People's Lawyers, Karapatan ken League of Filipino Students. Nairussuat ti kapada a panagtignay idiay Aklan kabigatan na.

Dagiti tagasalaknib ti aglawlaw, nagprotesta

Kalpasan ti umuna a kumperensya dagiti tagasalaknib ti aglawlaw idi Disyembre 7, indauloan ti Center for Environmental Concerns ken Kalikasan People's Network for the Environment ti maysa a protesta iti Mendiola idiay Maynila. Inpanawagan da ti hustisya para kadagiti napapatay a tagasalaknib ti aglawlaw.

Inrupir met dagiti delegado iti kumperensya ti panangpasardeng kadagiti maitaktakder a megadam, gangannaet a minas, kapitalista a plantasyon ken dagiti proyekto a reklamasyon. Kunada, lablabsingen dagitoy ti karbengan iti natalged ken nasalun-at nga aglawlaw. AB

Ti agtultuloy a terorista a panagturay ni Duterte

Kagiddan ti pananglagip iti Sangalubongan nga Aldaw ti Karbengan-Tao idi Disyembre 10, inlagom ti Ang Bayan (AB) iti maysa nga ulat dagiti naipadamag a kaso ti panaglalsing ti Armed Forces of the Philippines (AFP), Philippine National Police (PNP) ken dadduma nga armado nga ahente ti rehimen a US-Duterte iti karbengan tao itatta a tawen. Mabasa ti sibubukel nga ulat iti www.philippinerevolution.info.

Nakailista ti AB ti agdagup iti 82 a kaso ti panaglalsing iti karbengan tao iti inaldaw ken kabuklan a 29,869 a biktima manipud Enero inggana Disyembre 7, 2018. Dumannon iti uppat ti napapatay tunggal dua a lawas bayat a saan a bumaba iti tallo ti iligal a naarestar ken nabalud kada lawas. Adda ti 12 nga aktibista ken progresibo met ti na-

pangaan, nilipit ken binutbuteng tunggal aldaw. Dagitoy nga ulat ket mangpaneknek iti nakaro a kasasasad ti karbengan tao iti Pilipinas uray no adu pay ti dadduma a kaso a saan pay a naiyul-ulat iti AB.

Iti panangipatungpal ni Duterte ti National Internal Security Plan (NISP) itatta a tawen, nga agpangpanggep kano a mangrebbek iti re-



bolusyonaryo nga armado a tignayan, immirteng ti pasista a panangikuspil iti sibil a wayawaya ken kadagiti demokratiko a karbengan ken dagiti nadangkok nga atake laban iti umili, lalo kadagiti maidadanes a masa a mannalon, mangmangged ken nailian a minorya.

Panangpatay, gandat a panangpatay ken tortyur

Basar iti inisyal a dagup ti AB, saan a bumaba iti 106 a sibilyan ti nagbalin a biktima ti ekstrahudisyal a panangpatay itatta a tawen. Idiay Negros Island a maiyarig iti bulkan nga agngangabit a bumtak gapu kadagiti nakaro a risirisan maipanggep iti daga, 23 ti napapatay, nu sadino ket 18 kadagitoy ket mannalon. Maibilang kadagiti biktima ti siyam a kameng ti National Federation of Sugar Workers a minasaker dagiti elemento ti Special Cofgu Active Auxiliary idiay Sagay City, Negros Occidental idi Oktubre 20.

Duapulo met ti napapatay idiay Bicol, maibilang ti lima a sibilyan a minasaker dagiti elemento ti CAFGU idiay Aroroy, Masbate idi Hunyo 8. Bayat a 44 kadagiti bik-

tima ti napapatay idiay Mindanao iti uneg ti agtultuloy a linteg militar.

Nayon pay ditoy ti 47 a biktima ti gandat a panangpatay, maibilang

da Jerry Alicante ken Victor Ageas, kameng ti Nagkahiusang Mamumuo sa Suyapa Farms, a pinaltogan dagiti saan a nabigbig a lalaki idiay Compostela Valley iti nagduma a pasamak idi Nobyembre 11 ken Setyembre 4.

Saan a bumaba iti 37 nga indibidwal ti natortyur, maibilang ti lima a menor-de-edad a binugbog ken pinangtaan a patayen ti 19th IB idi Nobyembre 18.

Pambobomba, istraping, atake kadagiti komunidad ken pilit a panangpabakwit

Naipadamag ti AB itatta a tawen ti 22 nga insidente ti awan sarday a panagbomba ken/wenno istraping ken 54 nga insidente ti panagokupar ti militar kadagiti komunidad a nagresulta iti panagbakwit ti 24,667 nga indibidwal (malaksid pay kadagiti residente ti Marawi nga agtaltalinaed latta kadagiti *evacuation center*).

Uppat nga insidente ti panagbomba ken/wenno istraping ti nailista idiay Northern Mindanao. Bayat nga 11 nga insidente ti okupasyon ken panagatake ti saggaysa a nairekord idiay Southern Tagalog ken Caraga. Nakairekord met ti aduan a panagbakwit dagiti residente a Moro manipud iti Autonomous Region in Muslim Mindanao

(12,100 a bakwit) ken dagiti residente a mannalon ken Lumad manipud iti Caraga (8,791).

Maibilang kadagiti kaulpitan nga aksyon militar ti inmanehar ti US Army Special Forces a panagbomba ken panagkanyon ti AFP Joint Task Force Central idiay Shariff Aguak, Maguindanao idi Setyembre 5 a nagresulta iti pan-

nakatay ti maysa a sibilyan ken pannakasugat ti dua pay a dadduma; ti istraping ken panagbomba ti Joint Task Force Lanao iti tallo nga ili idiay Lanao del Sur idi Hunyo 14-17 a nagresulta iti panagbakwit ti nasurok 11,000 nga indibidwal; ken ti namin-ano a panagbakwit ti rinibribu a Manobo manipud idiay Lianga ken San Agustin, Surigao del Sur ken ginasgasut a Dumagat manipud idiay Gen. Nakar, Quezon gapu iti awan sarday a panag-ranggas dagiti tropa ti AFP a nangokupar kadagiti komunidad da.

Iligal a panagarestar ken panangibalud

Itatta a tawen, saan a bumaba iti 271 ti iligal a naarestar ken inbalud dagiti elemento ti AFP ken PNP. Nayon pay ditoy ti 407 a biktima ti arbitraryo a panangibalud.

Iti Central Luzon, 50 a kaso ti iligal a panagarestar ken panangibalud ti naipadamag. Maibilang kadagiti biktima ti 42 a tiniliw ti PNP-Meycauayan iti NutriAsia kalpasan dagiti naranggas a dispersal iti piket dagiti agwelwelga

a mangmangged iti sango ti pabrika idiy Marilao, Bulacan idi Hunyo 14 ken Hulyo 30.

Iti rehiyon ti Davao, dimmanon iti 45 ti iligal a naarestar ken naibalud. Maibilang kadagiti kasaruan a kaso ti iligal a pananga-

restar iti 18 a lider-masa ken aktibista a napilaan kadagiti parparbo a kaso ti kidnapping ken *human trafficking* idiy Tagum City idi Nobyembre 29. Maysa nga aldaw sakbay daytoy, arbitraryo nga inbalud dagiti elemento ti estado dagiti biktima karaman ti 61 pay a dadduma idiy Talaingod, Davao del Norte.

Panagpangta, pananglipit ken panangbutbuteng

Saan a bumaba iti 4,282 nga indibidwal ti napangtaan, nilipit ken binutbuteng itatta a tawen. Dumanon iti 1,659 dagiti nabiktima manipud iti Caraga, 1,600 kadakuada ket dagiti bakwit a Manobo a nilipit dagiti tropa ti 75th IB bayat nga agturong inggana iti panagsangpet da iti evacuation center idi Hulyo 16-18.

Maibilang met laeng kadagiti biktima dagiti consultant ti National Democratic Front of the Philippines a da Rey Casambre, Adelberto Silva, Vicente Ladlad ken Rafael Baylosis nga iligal a naarestar itatta a tawen. Karaman da iti 600 a nagan dagiti aktibista ken personalidad iti pulitika a nailista iti kaso a


proskripsyon ti rehimen.

Daytoy nabiit, inruar ti rehimen ti Executive Order 70, a nangitakder iti National Task Force (a mangipatungpal kano iti "wagas nga intero-a-pagilian," a naadaw iti konsepto a "sibubukel-a-gubyerno" a nailanad iti Counterinsurgency Guide ti US State Department idi

2009), ken Memorandum Order 32 (a direkta a nangipakat kadagiti nayon a batalyon iti tallo a rehiyon tapno kano labanan ti "kinaranggas ken terorismo") tapno ikamakam ti pananginstitusyonalisa iti NISP. Daytoy nga iskema ket maaramat tapno itakder ti pasista a diktadura iti intero a pagilian, a sigurado a mangpakaro iti panangikuspil kadagiti umay a tawen.

Kadagiti dadduma nga ulat, nakairekord ti saan a bumaba iti 90 a kaso ti ekstra-hudisyal a panangpatay idiy Southern Mindanao iti

uneg ti rehimen a Duterte. Kadagitoy a bilang, ti 21 ket napasamak manipud Enero inggana Nobyembre itatta a tawen. Sanga-pulo ket dua kadagiti biktima ket naggapu idiy Compostela Valley a naawagan a "tanap ti panangpatay." Dumanon met iti 27 a sibilyan ti iligal a naarestar itatta a tawen, nu sadino ket innem kadakuada ti naibalud pay laeng inggana iti agdama iti nayon iti 49 pay a dadduma a balud pulitikal a naarestar ken naibalud iti uneg ti rehimen a Duterte. Bayat nga idiy North Central Mindanao, 927 nga indibidwal met ti napilaan kadagiti parbo a kaso a kriminal. **AB**



Todo-operasyon ti AFP idiyay Northern Mindanao, didigra iti umili

Inambus ti Bagong Hukbong Bayan (BHB)-Bukidnon dagiti soldado ti 8th IB idi alas-2 ti parbangon ti Disyembre 20 idiyay Sityo Nasandigan, Barangay Kalabugao, Impasug-ong, Bukidnon. Tallo ti natay ken dua ti nasugatan kada-giti soldado a rumrummuaren manipud iti operasyon.

Ti yunit a naambus ket paset ti todo-operasyon ken awanan sar-day a panagbomba nga isaysayangkat ti Armed Forces of the Philippines (AFP) iti nagbedde-ngan dagiti probinsya ti Misamis Oriental, Bukidnon ken Agusan del Sur manipud pay idi umuna a la-was ti Disyembre. Daytoy ket pa-set ti panaggandat ti AFP a lappedan dagiti panagsagana ti Paskua ken Baro a Tawen kadagitoy a komunidad.

Malaksid iti 8th IB, pinatignay met laeng ti rehimen a US-Duterte ti nasurok 400 a tropa manipud iti 58th IB, Charlie Company ti 4th ID, 4th Division Reconnaissance Company

(DRC), Scout Rangers, Special Action Forces ti Philippine National Police ken dagiti yunit ti CAFGU. Manipud Disyembre 2-14, saan a bumaba iti 43 a siksabay a trak ti nangala kadagiti soldado agturong kada-giti *battle zone*. Nganngani inaldaw a nangiyaramid ti panagkanyon ti 105 *howitzer* bayat nga agitintinnag met ti bomba dagiti MD-520 *attack helicopter*. Nangipaay daytoy ti nakaro a bu-

teng kadagiti residente a sibilyan iti lugar.

Agsawsawar ti militar iti nasao a lugar tapno iduron ti Kalabugao

"*Todo-operasyon...*," suroten iti panid 9



Balud pulitikal, natay

NATAY TI BALUD pulitikal a ni Alex Arias, agtawen ti 63, bayat nga adda iti balud sakbay ti aldaw ti pananglagip iti Sangalubongan nga Aldaw ti Karbengan Tao. Naatake isuna iti puso banda alas-7:30 ti rabii ken naidklara a natay idi naisangpet iti Rizal Medical Center idiyay pasig City. Isuna ti maikatlo a balud pulitikal a natay iti uneg ti rehimen a Duterte.

Ni Arias ket addaan iti sakit nga alta-presyon ken diabetes. Isuna ti dati a dadaulo ti Pagkakaisa at Ugnayan ng mga Magbubukid sa Laguna, ken organisasyon a nakatipon iti Kilusang Magbubukid ng Pilipinas.

Naarestar isuna idi Abril 7, 2012 kadagiti parbo a kaso ti *kidnapping* ken *frustrated homicide*, ken naibalud iti Metro Manila District Jail.

Maibilang ni Arias iti 160 agsaksakit ken nakapsuten a balud pulitikal nga inkari ni Duterte a wayaan kas paset ti pannakigayyem maipanggep iti tungtungan iti kappia iti baet ti National Democratic Front of the Philippines ken ti Government of the Republic of the Philippines.

Idi Nobyembre 28, 2016, natay gapu iti atake iti pusno ni Bernabe Ocasla, maysa a lider manalon. Bayat nga adda isuna iti baludan a naaddaan isuna ti sakit iti puso ken alta-presyon. Idi met Setyembre 12, 2017, natay ti agtawen ti 74 a ni Marcos Aggalao iti Kalinga Provincial Hospital, Kalinga. Isunan ket agkabkabawen ken addaan ti sakit a pulmonya ken alta-presyon.

Ti pannakatay ti tallo a balud pulitikal iti uneg ti rehimen a Duterte, segun iti Karapatan, ket maysa a nasaem a reyalidad kumpara iti naidumduma a panangtrato kada dati a First Lady Imelda Marcos ken dadduma pay a natak a tao a napalubosan a mawayaan idinto nga isuda ket nasentensiaan a nagbasol.

AB

Balay ti lider obrero, pinuoran idiyay Compostela

PINUORAN DAGITI saan a nabigbig a tao idi alas-2 ti parbangon ti Disyembre 15 ti balay ni Paul John Dizon, presidente ti NAMASUFA (Nagkahiusang Mamumuo sa Suyapa Farms), iti poblasyon ti Compostela idiyay Compostela Valley.

Nairaman a napuoran ti balay ti dati a presidente ti NAMASUFA ken dati a Kilusang Mayo Uno-Southern Mindanao Region Chairperson a ni Vicente Barrios nga adda iti likudan ti balay ni Dizon, ken ti opisina ti unyon. Dagiti napuoran a balay ken opisina ket agarup 30 metro ti kaadayo manipud iti Packing Plant 220 ti Sumifru.

Immunan a ginandat a puoran ti balay ni Dizon idi Nobyembre e29 ken napalpaltogan kabigatanna. Napasamak dagitoy nga insidente bayat a nakakampo dagiti delegado ti NAMASUFA iti deppaar ti Mendiola.

AB

Linteg militar idiyay Mindanao, napaatiddog manen

Iti maikatlo a gundaway, pinaatiddog manen ti maysa a tawen ti implementasyon ti linteg militar iti intero nga isla ti Mindanao kalpasan nga aprubaran ti Joint Session ti House of Representatives ken Senado idi Disyembre 12 ti daytoy a dawat ni Rodrigo Duterte.

Iti botos a 223-23 iti House of Representatives ken 12-5 iti Senado bayat nga adda ti maysa a nagkedked, pinalubosan manen ti Kongreso ti nadara a panagturay ti militar idiyay Mindanao.

Sinabat daytoy ti protesta dagiti progresibo a grupo manipud iti Mindanao ken dagiti tagasuporta iti panangidaulo ti Bayan. Bayat a maisaysayangkat ti *joint session* ket nagprograma iti ruar ti Batasan Pambansa dagiti mismo a biktima dagiti panaglalsing iti karbengan tao idiyay Mindanao. Nangirussuat met laeng dagiti mangmangged ti Sumifru ti maysa a simboliko a die-in protest tapno ipakita ti ginagsasut a biktima ti turay militar.

Maysa a panagtignay met ti inyaramid dagiti kabataan ken mangmangged ti Sumifru idiyay Liwasang Bonifacio, Lawton, Manila karabiihan na.

Iti absoluto a panagrimbaw ti militar iti burukrasya a sibil, adadda a kumaro dagiti panaglalsing ti Armed Forces of the Philippines (AFP) ken Philippine National Police (PNP) iti karbengan tao. Usaren met laeng ti AFP ken PNP daytoy tapno ipatugaw dagiti aso-aso da iti eleksyon a Mayo 2019.

Kasta met nga idi Disyembre, iti laksid dagiti tradisyunal a se-



lebrasyon ket awanan sarday ken pinairteng ti panangirussuat kadagiti operasyon a dumog ti AFP kadagiti rehiyon idiyay Mindanao. Agsawar da kadagiti komunidad ken baryo tapno isabotahe dagiti panagranbak ti Bagong Hukbong Bayan iti maika-50 nga anibersaryo ti Partido. Daytoy ket iti laksid ti panangideklara ti Partido Komunista ti Pilipinas iti maysa a sispayr kadagiti tradisyunal nga aldaw ti selebrasyon. AB

"Todo-operasyon..." manipud iti panid 8

Plains Peace and Development Convergence Program (KP-PDCP). Iti kinapudno, nagrugin idi pay laeng 2016 ti panagsagana para ditoy a proyekto a naipadalan kadagiti ahensya ti gubyrno segun mismo iti ulat dagiti naiyaramidan ti Technical Working Group.

Inwanwan ti Department of Interior and Local Government ti panangpadur-as ti sistema ti padanum, konstruksyon ti spillway, ken panangsimpa iti dalan idiyay Barangay Bulonay agturong iti Pulangui River.

Kabayatanna, ti National Commission on Indigenous Peoples ti nangiyun-una iti panangikeddeng kadagiti beddeng ken panangpatitulo kadagiti aneutral a daga, ken panangikodigo kadagiti nainsigudan a linteg. Inpatungpal met ti Department of Environment and Natural Resources ti panangimula kadagiti 1,330 a kayo a kaaduan ket awan pakausaran iti komunidad.

Inleppas met laeng ti Department of Public Works and Highways ti dalan a mangsilpo iti Agusan del Sur ken Bukidnon, ti Danay-Kalabugao-Adtalawon Road nga agbalar iti P752 milyon. Panggep daytoy a papartaken ti panagserrek dagiti materyales iti nasamek a paset ti Kalabugao para iti KP-PDCP.

Nagrekrut met laeng kadagiti regular a kameng ti Philippine Army kadagiti komunidad ti Kalabugao para iti panangimaton kano iti "kappia" ti lugar.

Adu pay ti dadduma nga ahensya a napatignay tapno maipatungpal ti proyekto a para kano iti "panangpadur-as" iti Kalabugao a "bikbiktimaen" ti Bagong Hukbong Bayan. Pakauna nga implementasyon met laeng daytoy iti "whole-of-the-nation" a wagas segun iti National Internal Security Plan ti rehimen a Duterte.

Gapu iti agtultuloy nga atake

militar, nabulabog ti pagbiagan dagiti residente a Lumad. Nakaro a naapektaran ti agtultuloy nga opensiba militar ti AFP dagiti residente kadagiti sityo ti Lakbangan ken Kalhaan idiyay Barangay Minalwang, Claveria, Misamis Oriental. Naapektaran met dagiti barangay ti Kalabugao, Bulonay ken Hagpa idiyay ili ti Impasug-ong, Bukidnon, ken idiyay Sityo Kulili, Barangay San Vicente, ili ti Esperanza, Agusan del Sur.

Kabayatanna, iti laksid ti panangideklara ti Partido Komunista ti Pilipinas ken BHB ti maysa a temporaryo a sispayr kagiddan ti panagranbak iti Paskua ken Baro a Tawen, nangideklara met ti AFP a saan na a suroten ti sispayr.

Iti panangirussuat ti AFP ti awanan sarday nga operasyon a kombat, pinaay na ti namnama dagiti soldado da a maaddaan ti ababa a bakasyon nga adda iti denna ti pamilya da. AB

Dagiti nailinged a krimen iti gyera ti daydi Bushh

Padpadayawan unay ti masmidya ti US ni dati a presidente a George Herbert Walker Bush wenna Bush Sr. idi natay daytoy idi Nobyembre 30. Panggep dagitoy a panangpadayaw ti manangallilaw a masmidya ken elitista a pulitiko a kaluban dagiti krimen iti gyera ken henosidyo a kinaranggas ti imperyalista a US. Ngem para kadagiti kritiko ni Bush Sr., ni kaanom ket saan a malipatan dagiti krimen na iti sangkataoan.

Iti partikular, saan a malipatan dagiti krimen iti gyera ni Bush Sr. iti Gulf War idi 1991 no sadino a limmatak isuna kas "berdugo ti Baghdad," ken adda sungsubangan iti pannakatay ti agarup 200,000 nga Iraqi iti Gulf War idi 1991 a nakakitaan ti nakaro a "panagbomba iti tangatang" iti pakasaritaan ti gubat.

Dagiti kinaulbod para iti gyera

Segun kadagiti kritiko, nagulbod ni Bush Sr. tapno ipagna ti imperyalista a gyera laban iti Iraq. Inusar na ti propaganda iti adu a tay-ak tapno padakkelen ti suporta iti gyera nga agresyon idia Persia Gulf. Kalpasan a sakopen ti Iraq babaen kenni Saddam Hussein ti kabangibang a bassit a pagilian a Kuwait iti Agosto 1990, dagus nga inpagna ni Bush Sr. nga iladawan ni Saddam kas "pangta ken peste iti lubong."

Ti saan nga inbaga ni Bush Sr. ket ti mismo nga embahador ti US idia Iraq idi a ni April Glaspe ti nangted ti pammalubos kenni Saddam idi Hulyo 1990, maysa a lawas sakbay a rauten ken sakopen ti Kuwait.

Tapno agtultuloy a masuportaran ti Gulf War ti 1991, dinillaw ni Bush Sr. ni Saddam kas brutal a diktador a manglablasing iti sangalubongan a linteg iti panangsakop idia Kuwait, ken isuna ket maysa a pangta iti nailian a seguridad ti Amerika. Inlatak ni Bush Sr. ti usapin ti karbengan tao kadagiti napangas a bitla ken inkumpara ni Saddam kas "sibibiag a Hitler."

Nagparnuay ti istorya ti US maipanggep iti naulpit a panangpatay kano dagiti soldado nga Iraqi kada-

giti maladaga iti ospital idia Kuwait. Nagtestigo iti US Congress ti maysa nga agtawen ti 15 a babai a Kuwaiti a nainaganan laeng a ni "Nayirah" a nakakita kano iti panagserrek dagiti tropa nga Iraqi iti ospital. Ngem ni Nayirah gayam ket anak ti embahador ti Kuwait idia US ken insanay ti maysa a kumpanya iti public relations tapno sumango iti kongreso. Iti padamag ti Canadian Broadcasting Corporation, awan ti nakita da nga ebidensya ti makunkuna a panangpatay kadagiti maladaga.

Inkampanya ni Bush Sr. a masapul a papanawen ti puersa ni Saddam idia Kuwait gapu iti pakasaritaan daytoy iti panangaramat ti kemikal nga armas ken panangpadur-as kano ti nukleyar nga armas. Iti laksid ti pannakaammo ken pammalubos ti US, inakusaran ni Bush Sr. ti dati nga alyado a ni Saddam a nagusar ti kemikal nga armas laban kadagiti Kurds idia syudad ti Halabja idi 1988 a nagresulta iti pannakatay ti 6,800 a ti kaaduan ket sibilyan.

Naibutaktak iti kamaudianan babaen kadagiti dokumento nga inruar ti guberno ti US a kangrunaan a panggep iti panangirussuat ti gyera laban iti rehimen ni Saddam ket ti interes iti langis. Iti National Security Directive 54 idi Enero 1991 a pinirmaan ni Bush Sr. ket parehas a nangideklara a napateg ti langis idia Middle East iti nailian a seguridad ti US ken agtultuloy ti pangusar ti US iti pigsa tapno salakniban daytoy nga interes.

Agin-agin ken maysa a dakkel a panangallilaw ti guberno a Bush Sr. iti publiko ti panangakusar a ni

Saddam ket agur-urnong ti kemikal nga armas idinto a binilbilyon a dolyar ti inted ti US iti Iraq kas pangmilitar ken pang-ekonomiko nga ayuda manipud idi dekada 1980 inggana iti panagraut ni Saddam idia Kuwait.

Idi 1992, naipadamag iti maysa a prominente a telebisyon idia US a pinalubosan (ken kanayon nga awawisen) dagiti rehimen a Reagan ken Bush Sr. ti panagserrek ti kuarta, dagiti kemikal, agrikultural a pautang, *dual-use technology* wenna panangipalubos nga agpadur-as ti kemikal nga armas, ken ramit panggubat idia Iraq.

Dagiti krimen iti gyera

Nangirussuat ti gyera laban iti Iraq ti puersa a koalision nga indauloan ti US idi Enero 17, 1991 ken napardas a nagibus iti panna-kaabak ni Saddam. Iti proseso ti gyera, nangitinnag ti US ti 88,500 tonelada a bomba ken iti inokupar daytoy a Kuwait, a nagresulta iti pannakatay ti adu a sibilyan.

Iti maysa nga ulat kas idi Pebrero 1991, saan a bumaba iti 408 ti natay a sibilyan nga Iraqi iti panagbomba iti maysa nga *air-raid shelter* iti komunidad ti Amiriyah idia Baghdad a sentro ti Iraq. Segun iti Human Rights Watch (HRW), ammo ti US Defense Department a ti pasilidad idia Amiriyah ket nausar kas maysa a *civil defense shelter* idi panawen ti gyera nga Iran-Iraq, ngem awanan pakaammo a niraut latta ti US daytoy. Maysa daytoy a seryoso a panaglasing kadagiti linteg ti gubat, nga akusasyon ti HRW iti administrasyon a Bush.

Pinerdi ti US dagiti napateg a sibilyan nga impraistraktura ti Iraq kas kadagiti pasilidad para iti panagpartuat ti kuryente ken panangdalus ti danum inggana kadagiti planta ti panagpartuat ti ta-

"Bush...", *suroten iti panid 11*

CPI-Maoist nangangay iti maikalima a Plenum

INANGAY TI PARTIDO Komunista ti India (CPI-Maoist) ti maikalima a Plenum daytoy idi Nobyembre 2018 ken nangbutos kadagiti baro a kameng. Nangidatag ti panaglusulos kas Pangkabuklan a Kalihim ti Partido ni Kadua Ganapathy tapno ikkan dalam dagiti naub-ubing a kameng ti Komite Sentral. Ti kumarkaro a kasasaad na iti salun-at ken panaglakay dagiti basaran ti panaglusulos.

Binigbig ti Komite Sentral (KS) ni Kadua Ganapathy kadagiti kontribusyon na kas Pangkabuklan a Kalihim ti CPI-Maoist manipud pay idi 1992. Katinnulong ti Komite Sentral, indauloan na ti Partido iti sango ti panagtapon dagiti partido ken internal a problema. Madama ti panangirussuat ti CPI-Maoist iti naunday a gubat ti umili laban iti reaksyunaryo a sistema idiy India. Segun iti Partido, tulbek a kontribusyon na ti panangpapigsa iti kolektibo a panangidaulo ti Komite Sentral.

Binutosan ti Plenum ni Kadua Basavaraju tapno tumakder kas Pangkabuklan a Kalihim ti Partido. Isuna ket kameng ti KS iti las-ud ti 27 a tawen ken iti Pampulitika a Kawanihan iti 18 a tawen. Iti kabuklan, pinang-iggeman na ti panangidaulo iti Central Military Commission, a nakatulong iti panagabante ti gubat ti umili idiy India.

Binigbig ti Partido a dagitoy a panagbalbaliw ket pakakitaan ti panagabante ken panagdur-as. Mangpatibker met daytoy iti panangidaulo ti Partido iti pangkabuklan a kasapian, nayon da. Iti sango ti SAMADHAN, ti kontra-rebolusyonaryo nga opensiba ti estado, ad-adda a determinado da iti panagaddang paabante. AB

"Bush...", manipud iti panid 10

raon ken kadagiti gilingan ti arina. Iti padamag ti Washington Post idi Hunyo 1991, ti panangbomba kadagiti sibilyan a pasilidad ket saan nga aksidente no di naigagara idi agleppasen ti gyera. Ginasgasut a ribu nga Iraqi ti natay kas "collateral damage" uray kalpasan ti gyera. Iti didiay a bulan, nangiruar ti ulat ti maysa a grupo manipud iti Harvard University a nagsukisok kasilpo iti pampubliko a salun-at. Segun iti ulat, ti pannakadadael dagitoy a sibilyan nga impraistraktura ket nangipaay ti malnutrisyon ken epidemya kas iti kolera ken tipus.

Iti panagadal nga inyaramid ni Beth Osborne Daponte ti US Census Bureau idi Enero 1992, tinantya a ti Gulf War ti 1991 ket nagresulta iti pannakatay ti 158,000 nga Iraqi, karaman ti 13,000 a sibilyan a dagus a natay ken 70,000 gapu iti pannakadadael dagiti planta a para iti elektrisidad ken panagdalus ti danum.

Nakaala ti adu a gunggona ti US iti panangirussuat ti Gulf War ti 1991. Gapu iti kaadu ti pagilian a

naggastos iti daytoy a gyera nga agresyon, nakagamgam ti dakkal a ganansya ti US iti panaglako ken naipadas dagiti indudulin na a moderno nga armas. Ad-adda a nangkontrol ti suplay ti langis manipud iti Middle East ken nakaala ti dakkal a paset iti pastrek ti Saudi Arabia, Kuwait ken dadduma nga *emirates* iti langis babaen iti panangigalut kadakuada kadagiti *military sales contracts* nu sadino ket tengngel ti US dagiti kabaroan a ramit kas kadagiti *anti-missile system*.

Idi 2003, inikkat dagiti opisyal a naggapu iti US ti rinibribu a panid manipud iti ulat ti United Nations maipanggep iti panangsuplay daytoy kadagiti ramen para iti panagaramid ti kemikal nga armas idiy Iraq. Segun iti *Die Tageszeitung*, maysa a pagiwarnak a German, karaman ti 24 a korporasyon a nakabase idiy US ken ti nagsaruno nga administrasyon a Reagan ken Bush Sr. iti ilegal a panangsuplay iti guberno ni Saddam para iti panagaramid kadagiti armas para iti aduan a panangpatay. AB

Protesta dagiti

"yellow vest" idiy France, agtultuloy

SIMREKEN ITI maikalima a lawas dagiti tignay protesta ti umili a Pranses laban kadagiti marikna da a kontra-marigrigat a patakaran ti guberno ni President Emmanuel Macron. (*Basaen iti Ang Bayan Nobyembre 21, 2018.*)

Kumpara kadagiti napalabas a protesta, ti linawas a tignay protesta (tunggal Sabado) idi Disyembre 15 idiy Paris ken dadduma pay a syudad ti France kas idiy Saint-Etienne, Bordeaux ken Marseille ket bassit ken kalmado ngem agtaltalinaed latta ti pungtot ti umili ituna da nga elitist a guberno.

Iti laksid ti panagbassit ti intar dagiti demonstrador, naiduron ni Macron nga agikari a kissayan ti masingsingir a buwis ken nayonan ti sueldo ti umili tapno sebesan ti unget dagiti "yellow vests".

Adda latta ti panagduadua ti umili ituna da a mananglalais a guberno. Segun iti maysa a rallyista, sinusop ti dakkal a presyur ti panagbuwis ti pigsa ti pagilian, dagiti negosyante, artisano, babassit a negosyo, mangmangged, bayat a ti bassit a porsyento dagiti babaknang ket kanyon a lumiklik iti buwis.

Nagrugi dagiti tignay protesta a maawagan a "yellow vests movement" idi Nobyembre 17 gapu iti panagkawes dagiti demonstrador kadagiti *fluorescent vest* a kadawyan nga aruat dagiti drayber iti pagilian no maaddaan ti kellaat a problema dagiti lugan da. Ti nagrugian a kontra-buwis a demonstrasyon ket dimmakel ken simmaknap iti intero a pagilian kas tignayan a kontra-guberno ken nangipababa iti popularidad ni President Macron.

Tinulad met ti umili iti kabangibang a pagilian a Belgium ti panagtignay dagiti Pranses laban iti neoliberal a patakaran ti guberno da. AB